

صاحب امتیاز
احمد شیرانی



اعتصام

مدیر مسئول
احمد شیرانی



۷۲ — عدد

واعتصموا . . .

۲ — سنہ

۲۵ رجب الفرد
سنہ ۱۳۳۸

{ مہینہ چشمنہ کوئی نشر اور نور }

۱۵ بیان
سنہ ۱۳۳۶

بر مؤحد ایله ملحد آرہ سندنہ

—۲—

ملحد : — لکن عزیزم، سندنہ اعتراف ایدرسک کہ : هرملکت بر دکلدر ؛ بوکون سماء حریتک کولکسی ایله شمش مدینتک کوزلری قاشدیران ضیائی سلطنت دینہنک کولکسی قبالتش، ضیائی سوندرمشدر .

مؤحد : — غالباً سن نہمدینتک معناسندنہ ، نہدہ حقیقت دینہدن خبردار دکل سین اظن ایدیورسک کہ : بر ملکت اسارتدن تخلص کر بیان ایتسی رب العالمینہ عبودیتدن خروجدر ؛ مخلوقاته خضوع وانقیاددن نفسی منع ایتسی خالقہ عبادتدن امتناعدر ؛ اوہام وخرافات ترک ایتک ، حقائق مبرہنہی دہ ترک ایتکدر . اگر بویله ظن ایدیورسک ، سنک بوطنک اک بیوک خطادر . شونی بر حقیقت قطعہ اولہرق بیلمایسک کہ : مدینت فاضلہنک بناسی صوابہ چاموردن ، طاش ایله دمیردن دکلدر . اولنک عملی دیندر . انبیانک شریعتلریدر . انسانلر مادی ومعنوی نیہ مالاک ایسلر بونلرک کافہسی تلقین دینی اثری اولان اساسلرک عصر آ بعد عصر توسیعندن ہاشقہ برشی دکلدر . انسانلر وحدت اجتماعینک اساسی ، دوشونمہنک طریقی او کتابلردن اوکرنمشلر ، صکرہ دوشونملری توسیع ایدہ ایدہ بوحالہ واصل اولمشلردہ . اگر ہرمدطامنری غربلی بر مؤلفک سوزلریلہ تأیید ایتک لازم ایسہ ایشہ کوستاولوبونک افادات آتیہسی : « ادیان ، وسعہ زوال نابذیرنی مدینتک کافہ عناصری اوزرینہ ووردینی ، انسانلرک اکثریت عظیمہسی قوانین مخصوصہسنہ تابع طوقمدہ دوام ایتدیکی حالہ فکر ونظر نتیجہسی اولان مسالک فلسفیہنک حیات اقوام اوزرنہ غایت آز برتائیری کورولمش ، بومسالکک کافہسی مدت قبلہ طرفندہ محو و نابود اولمشدر . اک شدید الشکیمہ دوللرک تشکیلی ، مدینتک خزینہ مشترکہسی حالندہ اولان بدایع ادبیہ وفنیہنک ظهوری ہب ادیانک نتیجہ تأثیر اعجاز نماسیدر . »

بناہ علیہ یالکز شمندوفرلر ، الکتریک ماکنہلری ، فابریقلر ، باققلر حقیقی برمدینت تأسیسنہ کافی دکلدر . حقیقی برمدینتک وجودہ کلہ بیلمسی ایچون بونلرک

یابنده اخلاق ، عدالت ، حق ، خیر ، حسن ، تعاون ، و تناصر ، وظیفه و مجبوریّت ، حیثیت ، انسانیت و دها امثالی کلمات متضمن بولندینی عقائد مسلمّه و قویمتکده اثبات موجودیت ایتملری لازمدر . بوعقائد هرهائیک برسیله شبه تسلط ایدرده کائنات و حیات حقنده پیدایتمش اولدیغمز جمله اعتقادانک آنهک عمومیسنی اخلاص ایدم جک قدر ماهیتی تغیر و یا افساد ایلرسه بوتون اوما کنه لر و شمندوفر و باقهر حالا موجود اولان مدینتی بیقمق ایچون آفات طبیعیه دن بیک کره مدھش وسائط تخریبیه دن اولورلر . دها آجیق سویله بهیم می ؟ عقائد معنوییه سی تفسیح ، منزل اولان برملتک کالات مادییه سی واسطه تخریب دن باشقه برشی دکلددر .

مدینت دیمک ، دین دیمکدر ؛ دین اولدقجه مدینت تأسس ایدم مز ، چونکه انسانلر مجتمعا یاشامق فطرتنده خلق اولمش لرددر . هیچ بر فرد یالکز باشنه احتیاجاتی تأمینیه مقتدر دکلددر . برلقمه اکمکک حصولی ایچون برچوق کیمسه لک مساعی مشترکه لرینه احتیاج و ایددر . حال بوک بویله برآزاده یاشامنه مجبور اولان کیمسه لک برطاقم قیود و شروط طایله مقید اولملری ، هرکسک دائره حرکتی تعین ایش بولوفسی لازمدرکه ، هرکس کندی دائره حرکتی تجاوز ایتمه مکله جمعیتک آهنکی محافظه ایدیله بیلسین ! بویله اولمازده هرا انسان ایستدیک کی حرکت ایدم جک اولورسه نظام و انتظام قالماز ، آرا لنده منازعه و مقاتله ظهور ایددر . جمعیتک دوامی ممکن اوله مازم بونک ایچوندرکه جمعیت حالنده یاشایان هیئتلر برطاقم متقابل حقوق و وظائفله یکدیگرینه مربوطدر . هرأس بر وظیفه ایله مکلف و بوکا مقابل برحقه مالکدر . افرادم ، جمعیته مخصوص حقلر اولدینی کی ، افرادک یکدیگرینه ، جمعیت ، جمعیتک افرادم قارش یافاسیله مدیون و مکلف بولندینی برطاقم وظیفه لری واردر . افرادم یکدیگرینک قوای فکریه و ملکات عقلیه سنه ، خصائص انسانیه سنه ، نامتناهی برقیمتی حائر بولنان شرف انسانیه سنه ، الحاصل حقوق ذاتیه و طبیعیه سنه رعایت ، بر برلرینه معاونت ایتمکله موظف و حکومت قارش ده اطاعت و وظیفه سیله مکلفدر . حکومتک وظیفه سی ده افرادک هر تورلو حقوقی تأمین و حمایه ایدرک آسایش داخلینی محافظه ، تجاوزات خارجیه یی دفعدر .

جمعیتک دوام و بقائی، تأمین سعادت و آنجق اجتماعی اولان حقیرک، بووظیفه لریک تحت محافظه ده بولونمسنه متوقف در. بویسه هرکسک کندی حققی تحت امنیتده بولوندورمق و بشقلمرینه قارشى مدیون اولدینی وظائفی ایفا ایتمکله ممکن اولابیلیر. حق ایله وظیفه یکدیگرکدن انفکاک ایدمه چکی جهته انسان نه کندی حققی اخلاص ایستیرملی، نه ده غیرک حققی باعمال ایتملیدر.

چونکه بونلرک بری ضایع اولونجه دیکری ده محمولور کیدر. بالکیز کندی حققی محافظه ایدوب ده باشقلمرینک حقوقنه رعایت ایتمک، یاخود باشقلمرینه قارشى مدیون اولدینی وظائفی ایفا ایدوب ده کندی حقوقی باعمالی ایستیرمک کی حاللر انتظام و آسایش جمعیتک اخلاصه سبیدر. بناء علیه جمعیت بشریه نک دوام و بقائی، محافظه آسایش و انتظامی کرک جمعیتک، کرک افرادک حق ایله وظیفه دن عبارت بولنان طریق مستقیمدن انحراف ایتمه مسنه متوقف در.

حال بوک: بووظیفه لری، بوحققر انسانلره تعلیم ایدن آنجق دین در. الوهیت و مسئولیت اخرویه فکرلری و کرک: انسانلری حیانی بهانه اولسه بیه ایفای وظیفه به سوق ایدر. جناب حقه ایمان و محبتی اولمایان برانسان ایچون وظیفه ده بر قدسیت اولاماز. بویه آدممل ظاهرآ وظیفه شناس، وطنپرور، کورونسمه لرده حققی بر صورتده وظیفه شناس، فداکار اولامازلر. چونکه وظیفه انسانلره فداکار اولمائی برینه کوره فداى نفسی، و هر وقت ایچون احتیاطاتى محیدد ایتمه بی امر ایدر. حال بوک اللهه، پیغمبره، بوم آخرته ایمانی اولمایان بر انسان ایچون یکنه برشی و ارسه اوده احتیاطاتى تطمین ایتمک، شهوات نفسانیه سنی ممکن اولدینی قدرتسکین ایلمکدر. اونک ایچون وظیفه، حق، عدالت، انسانیت، فضیلت، اخلاق کی کلهر بوش شیلر در. ابله لری آلداتق ایچون ایجاد ایلمش بر طاقم الفاظ بی معنادر. شمعی تصور ایت! بر جمعیتده بوکی آدمیارک عددی تکثر ایدرسه او جمعیتده حق ایله وظیفه تحت امنیتده اولورمی؟ بونلر امنیت آلتنه آلتازه او جمعیت ناصل تمدن ایدمه بیلیر؟، بناء علیه حققی بر مدینک تاسیس ایدمه بیلیمى ایچون مطلقاً دین لازمدر.

آفسه کبلی احمد حمدی